

Direktor Direkcije

- (1) Direktor Direkcije rukovodi Direkcijom, odnosno zastupa i predstavlja Direkciju i ima ovlaštenja i odgovornosti u vezi sa rukovođenjem Direkcije i usklađivanjem rada u njoj.
- (2) Direktor Direkcije u okviru utvrđenom zakonima i odlukama Vijeća ministara Bosne i Hercegovine obavlja sljedeće poslove:
 - a) rukovodi Direkcijom, zastupa i predstavlja Direkciju i organizuje obavljanje svih poslova iz nadležnosti Direkcije;
 - b) upravlja ljudskim resursima Direkcije;
 - c) donosi propise i ostale opće i pojedinačne akte za koje je zakonima i ostalim propisima ovlašten te u skladu sa zakonima i ostalim propisima odlučuje o pravima, dužnostima i odgovornostima uposlenih u Direkciji iz radnog odnosa ili u vezi sa radnim odnosom;
 - d) odlučuje, nadzire i odgovoran je za korištenje finansijskih i materijalnih sredstava Direkcije;
 - e) osigurava učešće Direkcije u aktivnostima izrade nacrtu prijedloga politika, zakona, ostalih propisa i smjernica koje se odnose na izvršenje poslova koje je Bosna i Hercegovina dužna preduzimati u procesu evropskih integracija;
 - f) usklađuje aktivnosti tijela vlasti u Bosni i Hercegovini u vezi sa evropskim integracijama i obezbjeđuje koordinaciju i nadzor nad provođenjem njihovih odluka;
 - g) inicira rasprave i savjetovanja o pitanjima usklađivanja politika, procesa i aktivnosti usmjerenih ka ispunjavanju obaveza koje proizlaze iz evropskih integracija;
 - h) koordinira usklađivanje pravnog sistema Bosne i Hercegovine sa pravnom stečevinom Evropske unije (u daljem tekstu: *acquis*), kao i provjeru usklađenosti pravnih propisa Bosne i Hercegovine sa odredbama *acquis-a*;
 - i) rukovodi poslovima Direkcije kao glavnog operativnog partnera Evropske komisije (u daljem tekstu: EK) u Procesu stabilizacije i pridruživanja;
 - j) saraduje i sa drugim međunarodnim organizacijama od značaja za proces evropskih integracija;
 - k) obezbjeđuje, učestvuje i koordinira rad Direkcije u ulozi glavnog koordinatora pomoći Evropske unije (u daljem tekstu: EU) Bosne i Hercegovine;
 - l) koordinira rad Direkcije u procesu prevođenja pravnih propisa EU i Bosne i Hercegovine i drugih dokumenata iz oblasti evropskih integracija;
 - m) afirmiše i promoviše proces evropskih integracija Bosne i Hercegovine;
 - n) izvještava predsjedavajućeg i Vijeće ministara Bosne i Hercegovine o relevantnim pitanjima u vezi sa radom Direkcije i toku procesa integracije u EU;
 - o) obavlja i ostale poslove koje su mu zakonom ili drugim propisom stavljene u nadležnost.